



Broj: 01-05-4- 517/13
Maglaj, 26.03.2013. godine

Na osnovu člana 42. Statuta Općine Maglaj “Službene novine Općine Maglaj”, broj: 8/07, 3/08 i 6/08), Budžeta Općine Maglaj za 2012. godinu, člana 26. Odluke o izvršavanju Budžeta Općine Maglaj za 2013. godinu («Službene novine Općine Maglaj» broj: 8/12) i Strategije partnerstva između Općine Maglaj i građana («Službene novine Općine Maglaj» broj: 4/08), Općinski načelnik raspisuje

**JAVNI POZIV
za dostavljanje projekata za dodjelu sredstava za omladinske projekte iz Budžeta
Općine Maglaj za 2013. godinu**

I

Raspisuje se Javni poziv za dostavljanje projekata za dodjelu sredstava sa transfera Budžet za mlade iz budžeta Općine Maglaj za 2013. godinu.

Budžetom za mlade u 2013. godini za podršku omladinskim projektima planirana su sredstva u iznosu od 6.000,00 KM.

II

Raspodjela sredstava za sufinansiranje omladinskih projekata vršit će se u skladu s Kriterijima za sufinansiranje omladinskih projekata sa transfera Budžet za mlade, koje donosi Općinski načelnik.

III

U skladu s planiranim sredstvima na transferu Budžet za mlade u budžetu Općine Maglaj za 2013. godinu, ocjenjivanje omladinskih projekata i prijedlog raspodjele sredstava namjenjenih omladinskim projektima izvršit će Komisija za ocjenjivanje projekata nevladinih organizacija i omladinskih projekata i raspodjelu novčanih sredstava sa transfera Ostala civilna udruženja i transfera Budžet za mlade u 2013. godini.

Konačnu odluku o iznosu sredstava za podršku omladinskim projektima donosi Općinski načelnik.

IV

Za dodjelu sredstava namjenjenih omladinskim projektima mogu se prijaviti nevladine organizacije i javne ustanove koje djeluju na području općine Maglaj.

Projekte je potrebno dostaviti u zatvorenoj koverti, na aplikacijskom obrascu koji se može preuzeti na web stranici Općine Maglaj www.maglaj.ba.

Uz projekt je obavezno dostaviti kopiju rješenja o registraciji, broj žiro računa organizacije, adresu organizacije, telefonski broj i ime odgovorne osobe.

Projekte dostaviti putem pisarnice Općine Maglaj ili putem pošte, **na adresu Općina Maglaj – Služba za boračko-invalidsku i socijalnu zaštitu, opću upravu i društvene djelatnosti -kandidiranje omladinskih projekata.**

Krajnji rok za dostavljanje projekata je 12.04.2013. godine.

Pripremila:
Služba za boračko–invalidsku i socijalnu zaštitu,
opću upravu i društvene djelatnosti
Mr. sc. Azra Čakrama

OPĆINSKI NAČELNIK
Mehmed Mustabašić, prof.